

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona", br. 7/10), a u vezi sa članom 12. stav 1. tačka 3. (Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH", br.75/04, 38/06, 52/09, 56/09 i 36/14), na prijedlog Kantonalne uprave civilne zaštite, Vlada Zeničko-dobojskog kantona na 18. sjednici, održanoj dana 20.07.2015. godine, d o n o s i

ZAKLJUČAK

I.

Usvaja se zbirni Izvještaj Komisije za procjenu šteta od prirodnih i drugih neseća o procjeni šteta na području Zeničko-dobojskog kantona koje su utvrđene od strane općinskih komisija sa područja Kantona, za štete nastale na materijalnim i drugim dobrima uzrokovane prirodnom nesrećom (poplavama i klizištama) u vremenu od 15.05.2014. do 20.08.2014. godine.

II.

Ukupna šteta za područje Zeničko dobojskog kantona iznosi 382.152.925,00 KM (tristoosamdesetdvamilionastotinu pedeset dvije hiljade i devestodvadesetpetkonvertibilnih maraka).

III.

Izvještaji o procenjenim štetama svih dvanaest općina Zeničko-dobojskog kantona su u prilogu ovog zaključka.

IV.

Zaključak stupa na snagu danom donošenja.

Broj: 02-_____/15.

Datum, 20.07.2015. godine

Zenica

PREMIJER

Miralem Galijašević

DOSTAVLJENO:

1x Kantonalna uprava civilne zaštite,

1x Kantonalna komisija za procjenu šteta od prirodnih i drugih neseća, putem uprave,

1x Federalna komisija za procjenu šteta, putem uprave,

1x Statistički zavod Federacije BiH, putem uprave,

1x a/a.

ZENICKO-DOBOJSKI KANTON

Komisija za procjenu šteta od prirodnih i drugih nesreća

Broj: 02-34-19015-2/15

IZVJEŠTAJ

KANTONALNE KOMISIJE ZA PROCJENU ŠTETA O PROCJENJENIM ŠTETAMA
NA PODRUČJU ZENICKO-DOBOJSKI KANTONA UZROKOVANE POPLAVOM I
KLIZIŠTIMA OD 15.05.2014. do 20.08. 2014. GODINE

Zenica, juni 2015. godine

U skladu sa odredbama člana 12. stav 1. tačka 3. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH”, br.75/04, 38/06, 52/09, 56/09 i 36/14), Kantonalna komisija za procjenu šteta, izradila je:

ZBIRNI IZVJEŠTAJ O PROCJENI ŠTETA NA PODRUČJU KANTONA KOJE SU UTVRĐENE OD STRANE OPĆINSKIH KOMISIJA

I. UVODNI DIO:

Odmah kod prvih informacija o pojavi i opasnosti od poplava na prijedlog Kantonalnog štaba civilne zaštite, Vlada Zeničko-dobojskog kantona 15.05.2014.godine proglasila je stanje prirodne i druge nesreće na cjelokupnom području Zeničko-dobojskog kantona usljed prirodne nesreće - poplave, sa ciljem ostvarivanja svoje operativne funkcije u spašavanju i zaštiti stanovništva i materijalnih dobara na području zahvaćenom prirodnom nesrećom.

Od momenta aktiviranja struktura sistema zaštite i spašavanja u prvom redu civilne zaštite, policije, oružanih snaga BiH, jednog broja pravnih lica i nevladinih organizacija, kada je zaprijetila neposredna opasnost za nastanak nepogode-poplava, već od 13/14.05.2014.god., stanje na području pojedinih općina se iz dana u dan, sve više se usložnjavalo, da bi zbog izlivanja rijeke Bosne i njenih pritoka iz korita, došlo do plavljenja grada Maglaja, Olova, gradskih naselja u Zenici, Zavidovićima, Žepču, Matuzićima, Kaknju i Visokom.

Na području svih općina došlo je do naglih kolebanja vodostaja na potocima i riječicama, koje su zbog slivanja atmosferske vode vrlo brzo postale bujice koje su nosile velike količine materijala, izlilevale se, prodirale u naselja, stambene i pomoćne objekte, gospodarske objekte (proizvodne i druge objekte), a zatim prouzročile rušenja i oštećenja jednog broja mostova, dijelova saobraćajnica, pruga i dr.. Kao posljedica njihovog djelovanja, aktivirana su brojna stara i nova klizišta i odroni. U jednom periodu, situacija na cjelokupnom području Kantona bila izrazito teška, prvenstveno zbog prekida u saobraćaju na magistralnim, regionalnim i brojnim lokalnim cestama. Došlo je do rušenja brojnih infrastrukturnih objekata za snadbijevanje vodom, strujom i telefonskim vezama, tako da su brojna naselja bila osječena, što je u mnogome usložnilo aktivnosti na spašavanju i pružanju pomoći ugroženom stanovništvu. Zbog prekida putnih i željezničkih komunikacija, u evakuaciji i pomoći ugroženom stanovništvu angažovane su i zračne snage OS BiH i EUFORA-a. Tokom spašavanja, spasilačke ekipe su bile izložene brojnim izazovima, od pravljenja novih alternativnih puteva i mostova, kako bi se došlo do odsječenih naselja i obezbjedila dostava pomoći stanovništvu, te omogućio pristup medicinskim i veterinarskim i drugim ekipama na terenu. Također, trebalo je osigurati koordinaciju rada sa ekipama koje su radile na opravci pokidanih elektro linija, uspostavi telefonskih veza i opravci oštećene vodovodne mreže. U svemu je trebalo odrediti prioritete. Prema prvim procjenama šteta, dalo se zaključiti daje pričinjena ogromna šteta kako stanovništvu, tako i objektima javne infrastrukture, privrednici drugim objektima u oblasti zdravstva, obrazovanja i dr.

Prema Preliminarnoj procjeni šteta od 02.06.2014.godine, ukupna materijalna šteta na po području Zeničko-dobojskog kantona iznosila je cca 253 miliona KM. Tokom prirodne nesreće nije bilo poginulih među stanovništvom, nije bilo ranjenih i oboljelih. Bilo je cca 7 hiljada evakuiranih ljudi iz svojih domova, koji su smještaj našli u kolektivnim centrima za zbrinjavanje i kod svojih porodica i prijatelja. Smještaj izbjeglih u prihvatne centre, medicinska trijaža, poduzimanja higijensko epidemioloških mjera, transport bolesnih i nemoćnih do zdravstvenih ustanova, osiguranje

bezbijednosti - javnog reda i mira, pa do poduzimanja interventnih mjera na deblokadi putnih i željezničkih komunikacija, bili su brojni zadaci lokalnih vlasti, općinski štabova i jedinica civilne zaštite i drugih pravnih lica, koji su dobili pomoć i od Kantonalnog i Federalnog štaba civilne zaštite, u mjeri koliko je data situacija dopuštala.

U svemu ovom, organi uprave i drugi organi vlasti u općinama, Kantonu i Federaciji, javne ustanove i preduzeća, dali su ogroman doprinos, da se spriječe i veće i teže posljedice, ove nesreće. Vlada Kantona iz raspoloživih sredstava Odlukom o dodjeli jednokratne pomoći za hitne intervencije općinama tokom trajanja prirodne nesreće dodjelila je 410.000,00 KM.

II. PROCJENJENE ŠTETE

Procjenjene štete kao posljedica prirodne nesreće koja je proglašena Odlukom Vlade Federacije o proglašenju stanja prirodne nesreće na području Federacije BiH uzrokovano obilnim kišnim padavinama koje su prouzrokovale poplave, od 15.05.2014.g. („Službene novine Federacije BiH”, br.37/14) i Odlukom od 07.08.2014.g. o proglašenju stanja prirodne nesreće uzrokovane poplavama i klizištima na području Federacije Bosne i Hercegovine („Službene novine Federacije BiH”, br.64/14), za područje Zeničko-dobojskog kantona predstavlja zbirni pregled šteta kojeg su utvrdile općinske komisije za procjenu šteta i iskazan je na obrascu **Tabela 1.**, po kojem je:

UKUPNA PROCJENJENA ŠTETA ZA ZENIČKO DOBOJSKI KANTON IZNOSI 382.153.000,00 KM

Što je u odnosu na pleniminarnu procjenu iznosi više 128.390.000,00 KM, a koja je procjenjena 02.06.2014.g na 253.763.050,00 KM.

Ukupna procjenjena šteta na: zemljištu iznosi
32.439.000,00 KM građevinskim objektima
235.282.000,00 KM opremi 53.651.000,00 KM
Dugogodišnji zasadi 4.338.000,00 KM Šume i
divljači 125.000,00 KM Životinje, peradi i
akvakultura 588.000,00 KM Obrtna sredstva
34.917.000,00 KM Kulturna dobra
1.585.000,00 KM Dobra u domaćinstvu
14.529.000,00 KM Ostala materijalna dobra
3.068.000,00 KM Troškovi izazvani štetom
1.165.000,00 KM
Indirektna šteta 465.000,00 KM

Da bi se smanjile i ublažile moguće posljedice prirodne nesreće prouzrokovane poplavama veoma je bitno posvetiti pažnju preventivnim rftjera na uređenje vodotokova, pošumljavanje goleti radi smanjenja bujica i erozija, razvijanju sistema obavješćavanja stanovništva o postojanju neposredne opasnosti od nastanka nesreće, a posebno posvetiti pažnju planiranju u zaštiti od poplava u nadležnosti institucija Federalnih i Kantona.

1. Da li je postojeći način planiranja prevencije usmjeren ka postizanju efikasnosti?
2. Da li je planiranje i poduzimanje preventivnih mjera usmjereno na prioritete?
3. Da li koordinacija doprinosi efikasnom upravljanju vodama u cilju bolje zaštite od poplava?
4. Da li se rezultati praćenja i nadgledanja koriste u svrhu jačanja prevencije?
5. Da li se funkcija inspekcijskog nadzora koristi za jačanje prevencije?

ZAKLJUČAK:

Zakonom o vodama je određeno je da su, Federacija, kanton, grad i općina nadležni za upravljanje vodama. Ciljevi i načela upravljanja vodama koji se odnose i na osiguranje prevencije od poplava određeni su Zakonom o vodama. Preventivne mjere, kao Prva pripremna faza zaštite od poplava, moraju imati prednost nad svim oblicima planirane zaštite. Ove mjere treba da se provode kontinuirano tokom godine i/ili u dužim vremenskim periodima kako bi se stvorile osnove za zaštitu od poplava.

Posljedice ove prirodne nepogode obilne kišne padavine bila su i brojna klizišta, koja su ugrozila veliki broj naselja - kuća na području općina Zenica, Maglaj, Olovo, Zavidovići i Kakanj i Žepče, i uzrokovala veliku štetu. Stoga u oblasti prostornog planiranja i korištenja zemljišta, potrebno je osigurati dosljednu primjenu zakonskih rješenja, onemogućiti bespravnu gradnju, ustrojiti katastrofe klizišta i dr.. Također, u oblasti zaštite šuma i poljoprivrednog zemljišta, potrebno je primijeniti postojeću zakonsku regulative i spriječiti nelegalnu sječu šume, a poljoprivrednu i malinarsku proizvodnju, razvijati i postići prema uvjetima zemljišta određenog područja.

O operativnim mjerama zaštite od poplava, koje čine skup organizacijsko-planskih, materijalnih i kadrovskih potencijala koji se pod rukovodstvom štabova Civilne zaštite koje se sprovode i angažiraju na spašavanju ljudi i materijalnih dobara od poplava kada do njih dođe, treba posvetiti posebnu pažnju, kadrovski ojačati općinske službe civilne zaštite i Kantonalnu upravu, osigurati adekvatnu opremu i osposobiti pripadnike civilne zaštite i raditi na obučavanju i osposobljavanju građana na aktivnom učešću u sistemu zaštite i spašavanja. Vatrogasne jedinice, kao jedini profesionalni sastav civilne zaštite opremiti opremom za različite vrste intervencija spašavanja.

Komisija:

1. Sead Džanović
2. Rasim Kovač
3. Fikreta Hodžić
4. Nijaz Mačak
5. Jasminka Tica
6. Admir Hrvanović
7. Hajrudin Bečić
8. Sead Džaferović
9. Nada Delibašić
10. Sajma Lutvica
11. Dženan Begović